



01/0-50-1

Broj: 01-50- 20-2/13
Datum: 28.01.2013. godine

BOSNA I HERCEGOVINA
PARLAMENTARNA SKUPŠTINA BiH
ZASTUPNIČKI/PREDSTAVNIČKI DOM
TRG BiH 1
71 000 SARAJEVO

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

06.02.2013

Organizaciona jedinica	Klasifikaciona oznaka	Redni broj	Broj priloga
01-50-1-	15-90/13		

PREDMET: Odgovor na poslaničko pitanje, dostavlja se

VEZA: Vaš akt broj 01/a-50-1-15-40/13 od 10.01.2013. godine

Poštovani,

U skladu sa aktom broj i datum veze dostavljamo Vam odgovor na poslaničko pitanje poslanika Mirsada Mešića, postavljenog 03.01.2013.godine na 40. sjednici Predstavničkog doma Parlamentarne skupštine BiH.

ODGOVOR NA POSLANIČKO PITANJE:

„Rukovodstvo Agencije za prevenciju korupcije i koordinaciju borbe protiv korupcije od sredine 2011. godine, kada je imenovano, susretalo se sa brojnim problemima, između ostalih i sa problemima materijalno-tehničke prirode. Na to smo u više navrata ukazivali nadležnim organima, te smo na koncu bili prinuđeni od pojedinih institucija u BiH na privremeno korištenje zatražiti slobodne materijalno-tehničke resurse. Jedino na taj način Agencija je, u ograničenim kapacitetima, mogla funkcionirati i u zakonom predviđenom roku ispunjavati obaveze koje su pred nju postavljene.

U nedostatku vlastitih resursa, a zahvaljujući susretljivosti direktora Državne agencije za istrage i zaštitu (SIPA), na privremeno korištenje za smještaj dobili smo dvije kancelarije u zgradi SIPA-e, uz mogućnost korištenja materijalno-tehničkih sredstava zatečenih u kancelarijama. Ministarstvo sigurnosti BiH i Agencija za policijsku podršku privremeno su nam ustupili dva automobila, printer i neophodan sitni inventar, dok smo od ICITAP-a kao donaciju dobili četiri računara.

S obzirom na činjenicu da Agencija nije mogla ući u proceduru javnih nabavki putničkih automobila za potrebe Agencije, na osnovu Ugovora o posudbi, direktoru je na privremeno korištenje ustupljen automobil Granične policije BiH, a zamjenicima direktora automobili Ministarstva sigurnosti BiH i Agencije za policijsku podršku. Nakon što su Ministarstvu sigurnosti BiH i Agenciji za policijsku podršku, na zahtjev, vraćeni automobili, na osnovu Ugovora o posudbi na privremeno korištenje zamjenicima direktora ustupljeni su automobili BH MAC-a. Vozila privremeno ustupljena Agenciji koriste se na osnovu Odluke o korisnicima i načinu upotrebe motornih vozila, koja, između ostalog, direktoru i zamjenicima direktora Agencije omogućava korištenje službenog vozila 24.00 sata uz mogućnost dolaska i odlaska sa posla i na posao. S obzirom na činjenicu da je Vijeće ministara BiH dalo saglasnost na Pravilnik o unutrašnjoj organizaciji Agencije tek u sedmom mjesecu 2012. godine, Agencija je u decembru 2012. godine uspjela uposliti tri zaposlenika sa srednjom stručnom spremom koji će obavljati osnovne poslove u Agenciji.

Pravilnikom o unutrašnjoj organizaciji predviđeno je upošljavanje jednog vozača direktora i zamjenika direktora, koji će po opisu poslova raditi poslove vozača za sva tri rukovodioca po potrebi. Međutim, u dinamičkom planu upošljavanja osoblja Agencije za period 2012-2014. nisu odobrena sredstva za zapošljavanje na ovu poziciju, te je to razlog zbog kojeg direktor i zamjenici direktora samostalno voze službene automobile.

S obzirom na činjenicu da su Vaša pitanja postavljena povodom, kako ste naveli, članka u „Avazu“ od 18.12.2012. godine koji se odnosi „na krađu službenog vozila Audi A7 direktoru Agencije za prevenciju korupcije i koordinaciju borbe protiv korupcije“, dostavljam Vam i kratak osvrt na pomenuti događaj.

Dakle, u noći s 15. na 16. decembar 2012. godine u Sarajevu (opština Novo Sarajevo) u naselju Grbavica sa parkinga ispred stambene zgrade u ulica Kemala Kapetanovića broj 32 od strane NN lica ili više njih otuđeno je putničko motorno vozilo marke „Audi“ tip A6 registarskih oznaka 623 J 934, metalik crne boje, proizvedeno 2007. godine. Automobil je bio vlasništvo Granične policije BiH, prešao je 290.000 kilometara, a procijenjen je na osnovu knjigovodstvene vrijednosti na 20.000 KM. Automobil je, kako je već ranije navedeno, na osnovu Ugovora o posudbi dat na korištenje direktoru Agencije za prevenciju korupcije i koordinaciju borbe protiv korupcije, a vozilo je korišteno u skladu sa odredbama Odluke o korisnicima i načinu upotrebe motornih vozila u Agenciji.

Krađa pomenutog automobila prijavljena je Drugoj policijskoj upravi Sarajevo pri MUP KS 16.12.2012. godine, odmah nakon što je uočeno da je vozilo otuđeno. Vozilo je bilo kasko-osigurano i korišteno je u skladu sa uslovima kasko-osiguranja. Osiguravajućoj kući su predati originalni ključevi od vozila, vlasnička knjižica i saobraćajna knjižica. Automobil je u trenutku parkiranja bio osiguran svim mjerama od krađe – vozilo je zaključano multi-lock uređajem, odnosno uređajem blokade mjenjača, izvršena je blokada upravljača sa polugom koja se postavlja na volan i zaključano je aktiviranjem centralne brave. Takođe, vozilo je bilo parkirano na javnom parkingu koji je osvijetljen. Napominjemo da institucija u čijem je vlasništvu vozilo (Granična policija BiH) nema direktne štete jer će joj odšteta biti isplaćena iz premije kasko-osiguranja.

Kao što Vam je vjerovatno poznato sjedište Agencije, prema Odluci Vijeća ministara BiH, je u Istočnom Sarajevu, a kako Agencija nema osiguran smještajni prostor, shodno tome nije imala osiguran ni službeni parking.

Odgovarajući na postavljeno pitanje iskoristili smo priliku da Vam damo kratak prikaz dijela problema sa kojima se do sada susretala Agencija za prevenciju korupcije i koordinaciju borbe protiv korupcije čija je implementacija direktno vezana za ispunjavanje uslova za liberalizaciju viznog režima građanima BiH.

U nadi da smo dali zadovoljavajući odgovor na postavljena pitanja, srdačno Vas pozdravljamo!

S poštovanjem,

Dostavljeno:

- Naslovu,
- a/a.



DIREKTOR

mr. Sead Lisak



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-962/13
Sarajevo, 8.5.2013. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 09-05-2013			
Organizaciona jedinica	Klasifikaciona oznaka	Redni broj	Broj priloga
01-50-1-		15-40/12	

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 49. sjednici održanoj 8.5.2013. godine, utvrdilo je Odgovor na zastupničko pitanje koje je postavio Mirsad Mešić, zastupnik u Zastupničkom domu Parlamentarne skupštine Bosne i Hercegovine.

U pravitku prosljeđujemo Odgovor radi njegovog dostavljanja zastupniku.

S poštovanjem,

GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-962/13
Sarajevo, 8.5.2013. godine

MIRSAD MEŠIĆ, poslanik u Predstavničkom domu Parlamentarne skupštine Bosne i Hercegovine, na 40.sjednici ovog Doma održanoj 03. januara 2013.godine, postavio je Vijeću ministara BiH, poslaničko pitanje koje glasi:

„Gospodine ministre, da li ste upoznati sa izjavom bivšeg ministra sigurnosti BiH g. Sadika Ahmetovića koju je izrekao na 31. sjednici PD PS BiH, koja glasi: “U ovoj zemlji, na svu sreću ima još u policijskim strukturama, tužilačkim strukturama i sudskim strukturama i obavještajnim strukturama još poštenih ljudi. Ima ih manje nego nepoštenih. Većina ih je povezana sa organizovanim kriminalnim grupama, većina. Govorim o većini.“

Ako je ova tvrdnja tačna, šta ste poduzeli u cilju rješavanja takvog stanja?“

Na postavljena pitanja, Vijeće ministara Bosne i Hercegovine je na 49. sjednici održanoj 8. 5. 2013. godine, utvrdilo sljedeći

ODGOVOR

Mnistarstvo sigurnosti Bosne i Hercegovine u cilju sveobuhvatnog i argumentiranog odgovora na postavljeno poslaničko pitanje, koje u sebi sadrži teške diskvalifikacije koje su izrečene na rad policijskih, sigurnosnih i pravosudnih organa, sadržaj istog je uputilo na sljedeće adrese:

**VISOKO SUDSKO I TUŽILAČKO VIJEĆE BIH
SUD BOSNE I HERCEGOVINE
TUŽILAŠTVO BOSNE I HERCEGOVINE**

**VRHOVNI SUD REPUBLIKE SRPSKE
REPUBLICKO TUŽILAŠTVO RS
VRHOVNI SUD FEDERACIJE BIH
FEDERALNO TUŽILAŠTVO FBIH
FEDERALNO MINISTARSTVO UNUTRAŠNJIH POSLOVA
FEDERALNA UPRAVA POLICIJE
MUP REPUBLIKE SRPSKE
OSNOVNI SUD BRČKO DISTRIKTA
TUŽILAŠTVO BRČKO DISTRIKTA BIH
POLICIJA BRČKO DISTRIKTA
OBAVJEŠTAJNO SIGURNOSNA AGENCIJA BIH
AGENCIJA ZA ISTRAGE I ZAŠTITU BIH
GRANIČNA POLICIJA BIH
DIREKCIJA ZA KOORDINACIJU POLICIJSKIH TIJELA BIH
GRANIČNA POLICIJA BIH
SLUŽBA ZA POSLOVE SA STRANCIMA BIH
AGENCIJA ZA POLICIJSKU PODRŠKU BIH
AGENCIJA ZA ŠKOLOVANJE I STRUČNO USAVRŠAVANJE
KADROVA BIH
AGENCIJA ZA FORENZIČKA ISPITIVANJA I VJEŠTAČENJA**

Sublimirajući dobivene odgovore od svih navedenih državnih i entitetskih institucija i agencija od kojih je traženo da dostave podatke koji se odnose na broj eventualnih poduzetih zakonskih mjera prema uposlenima, zbog eventualnog činjenja kaznenih djela, ističemo sljedeće:

-Državna agencija za istrage i zaštitu BiH je u periodu 2011.-2012.godina nadležnim Tužiteljstvima BiH podnijela 3 Izvještaja o počinjenim kaznenim djelima kojima su obuhvaćena 4 uposlenika Agencije i to prema članu 220. KZ BiH (Zloupotreba položaja); članu 250. (Organizirani kriminal); članu 247.(Dogovor za učinjenje kaznenih djela); i članu 224. KZ BiH (Nesavjestan rad u službi).

-Granična policija BiH je u navedenom periodu podnijela ukupno 16 Izvještaja o počinjenom kaznenom djelu protiv 14 policijskih službenika Granične policije BiH, 1 policijskog službenika Državne agencije za istrage i zaštitu, 5 službenika Uprave za indirektno oporezivanje i 2 službenika Ministarstva inostranih poslova BiH, za kaznena djela: član 250. KZ BiH (Organizirani kriminal); član 220. (Zloupotreba položaja ili ovlaštenja); član 217. (Primanje dara i drugih oblika koristi); i člana 230.KZ BiH (Neprijavljivanje krivičnog djela ili izvršioca). Postupajući u okviru svojih nadležnosti Granična policija BiH je pokrenula 10 disciplinskih postupaka i privremeno suspendirala 12 policijskih službenika, zbog postojanja osnova sumnje da su počinili teže povrede službene dužnosti, u kojima ima i obilježja kaznenih djela korupcije i kaznenih djela protiv službene dužnosti i druge odgovorne funkcije, do okončanja disciplinskog ili kaznenog postupka. Institut privremene suspenzije primjenjuje se u smislu člana 114. stav 3. Zakona o policijskim službenicima BiH.

-Direkcija za koordinaciju policijskih tijela BiH je u 2011.-2012.godini protiv 7 policijskih službenika poduzela zakonske mjere zbog osnova sumnje da su počinili kaznena djela iz člana 172. KZ BiH (Zločin protiv čovječnosti); člana 220. (Zloupotreba položaja i ovlaštenja) a u vezi sa kaznenim djelom iz člana 249. (Udruživanje radi

činjenja kaznenih djela); člana 172.KZ FBiH (Teška tjelesna povreda); člana 25. KZ RS (Pomaganje); člana 323. KZ FBiH (Izazivanje opće opasnosti); i člana 238 KZ FBiH (Neovlaštena proizvodnja i stavljanje u promet opojnih droga). Šest policijskih službenika je suspendirano, dok je jednom policijskom službeniku suspenzija ukinuta.

-Federalna uprava policije je u provođenju postupka po zaprimljenim predstavkama i saznanjima u periodu 2011.-2012.godina za 21 uposlenika poduzela zakonske mjere zbog činjenja kaznenih djela.

-Policija Brčko Distrikta je nakon provedenog internog postupka protiv 3 policijska službenika dostavila Izvještaj Tužilaštvu Brčko Distrikta BiH koje je i podiglo optužnicu, zbog postojanja osnovane sumnje u izvršenje kaznenog djela „Pronevjera“ iz člana 378. KZ Brčko Distrikta BiH. Tužilaštvo je donijelo naredbu za sprovođenje istrage protiv 1 državnog službenika zbog izvršenog kaznenog djela „Falsifikovanje isprave“ iz člana 367. KZ Brčko Distrikta Bosne i Hercegovine.

Iz naprijed navedenog vidljivo je da je u traženom periodu zbog činjenja kaznenih dijela zakonski procesuirano ukupno 58 policijskih i državnih službenika na razini Bosne i Hercegovine, što je zanemarljivo i na nivou je statističke greške. Ova činjenica sama po sebi daje i odgovor na postavljeno poslaničko pitanje i ne ostavlja prostor neargumentiranim i paušalnim procjenama i zaključcima.